

Guangjisi Minzcu Bau

ganhhau: CN45-0036 B.2013 Nd.7 Ng.31 liggaueq gveiqceih nienz ndwenloeg ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3084期

Lozyez“Song Vah”Senhconz Minz- cu Faplwd Fazgveih Yaugoj Ndei

乐业“双语”宣传民族法律法规效果好

Bineix Lozyez Yen gaihcanj minzczu doxgieth senhconz hozdung, youq guh hozdung seiz, aen yienh neix yungh Vahgun caeuq Vahcuengh、Vahyauz、Vahmyauz daengj giethab, roengz daengz dieg saujsu minzczu comzyouq haenx senhconz minzczu faplwd fazgveih, aeundaey yaugoj ndei.

Aen yienh neix gij mbanj gyae haenx miz Bouxcuengh、Yauzczu、Myauzczu daengj saujsu minzczu, mizdi saujsu minzczu vwnzva suijbingz mbouj sang, dingq mbouj-daih rox Vahgun. Vih hawj vunzlai engq ndei dingq rox minzczu cwngecwz, hawj engq lai vunz roxyiuj minzczu cwngecwz, aen yienh neix cungfaen leihyungh gij youhsi

swhyenz minzczu ganbu rox Vahcuengh、Vahyauz、Vahmyauz daengj haenx, yungh Vahgun caeuq vah minzczu “song vah” hingzsik senhconz 《Cunghvaz Yinzminz Gunghozgoz Minzczu Gihyiz Swcifaz》、《Gozvuyen Gij Gveihding Saedhengz (Cunghvaz Yinzminz Gunghozgoz Minzczu Gihyiz Swcifaz)》、Dangj Cibbet Daih cingsaenz、“roekhaj” bujfaz cihsiz、Swcigih Daihcib Baez Dangjdaivei gij neiyungz gvendaengz “gensez aen gih minzczu doxgieth cinbu mozfan”、minzczu lijun daengj guekgva minzczu cwngecwz nem faplwd fazgveih cihsiz, saujsu minzczu gig maij gij senhconz neix. Doengzseiz, vih demgiengz senhconz yaugoj, aen yienh neix vanzlij cujcz

mizgven bumwnz yaenq gak loih faplwd fazgveih senhconz swliu 8 fanh lai faenh, haeuj daengz ndaw mbanj bae fat bae bo. Daengz dangqnaj, aen yienh neix gyoepsuenq gvangjbo 2000 lai baez, fat swliu 7 fanh lai faenh, 9 fanh lai vunz roxyiuj gij senhconz neiyungz.

Doenggvaq gaihcanj “song vah” senhconz minzczu faplwd fazgveih gyauyuz hozdung, dajyinx nem bangcoengh saujsu minzczu ginzung roxyiuj nem gaemdawz gij gihbwnj gvanhdenj nem cihsiz gvendaengz minzczu lijun、minzczu faplwd fazgveih、cwngecwz dangj raeuz, mboujduenh demgiengz yisiz roengz-sim henhoh minzczu doxgieth.

(Yenz Gozveij)

SIUSIK DINJ

简讯

● Sanhgyangh Duncuz Swciyen Bazgyangh Yangh Buyangh Cunh fazcanj gohgi ndaem caz、ganq caz、guh caz, dangqnaj miz suencaz 3600 moux. Bi’ gvaq, aen cunh neix moix boux nungzminz cinghsouhaeuj 8153 maenz, baenz le “Gvangsiah aen mbanj caz Duncuz” gig mizmingz.

(Gungh Bujgangh)

● Bineix, Nazboh Yen roengz 2820.48 fanh maenz saedhengz vunzhenzguck swnghhoz bangbouj hanghmoeg. Ciuq cam rox, doenghboux ndaej bangbouj haenx baugvat vunz Bingzmung、Bwznanz、Bwzswngj、Bwzduh 4 aen yangh(cin) henzguck, 29380 vunz souh’ik.

(Maj Yungj)

● Lai bi daeuj, Duh’ anh Yauzczu Swciyen doenghboux nungzminz Yauzczu cungfaen fazcanj yiengzbya dajciengx. Dangqnaj, aen yienh neix gaenq laebbaenz yiengzbya dajciengx lungzdouz giyez aen he, gizdieg yiengzcungj swcigih gaep aen he, hoh sifan dajciengx 272 hoh. Hoh dajciengx yiengzbya 3 fanh lai hoh.

(Lanz Fuzgvanh Lanz Aicih)

● Daj bineix daeuj, Nanz-danh Yen Cungcaizyen mboujduenh daezsang banh’ anq naengz-lig nem banh’ anq yauliz, henhoh leih’ik nungzminzgung. Daengz 6 nyied daej, aen yienh neix gungh laeb’ anq 8 gienh, banh liux 8 gienh, coengh 350 boux nungz-minzgung aeu dauq cienzgoeng 182.4365 fanh maenz.

(Denz Gaihlieng)

● Bineix 1 daengz 5 nyied, Liujcwnz Yen gij gunghyez baenz gveihmoz doxhwnj haenx cungjancjiz 28.42 ik maenz; daengx sevei guding swhecanj douzshw 28.85 ik maenz, doengzbeij demhwnj 54.14%; daengx yienh caizcwnz souhaeuj 2 ik maenz, demhwnj 15.39%.

(Dwnz Gwzdez)

Lungzcouh: Mbanjcuengh Eu Fwen Hekyouz Maij Ngonz



龙州: 壮乡山歌引客来

7 nyied 26 hauh (liggaueq 6 nyied 19 hauh), dwg Lungzcouh Yen Ginh-lungz Cin Gauhsanh Cunh Mbanjbanjlou gvaq ngoenz-ciet eu fwen. Ngoenzhaenx, aen mbanj neix gawjbanh eu fwen、diuqfoux、yienjheiq daengj lai aen hozdung, lijimz baez daih’it baijyienj gij feihvuzciz vwnzva gig miz dangdieg daegsaek haenx, gij hozdung nem cezmuiz neix cungj hawj gyoengq hekyouz gig maij dingq gyaez yawj. Ndaw doz dwg gyoengq nyez ndaw mbanj cingq byaujyenj foux 《Gij Riuz Gyaundeih Denhginz》.

(Cinz Youjcaiz Dauh Ligenh)

Nazboh Bwzhoz Yangh Aeu Daegsaek Canjyez Yinx Vunzlai Saujsu Minzczu Baenzfouq

那坡县百合乡以特色产业引领少数民族群众致富

Gaenh bi daeuj, Nazboh Yen Bwzhoz Yangh ciuq lohnaemj “it bauj、ngeih gya、sam gya’ndei” guhhong, ciuq dieg bae hengz, dajyinx nem gujli saujsu minzczu daihlig fazcanj canjyez “loeg” (couhdwg gosangh nonsei、batgak、yi’gvei、samoeq、cazyouz、faexcuk), nungz-canjbij “ndaem” (maenzmeiq、duh-ndaem、duhdoemndaem、yiengz-ndaem、gaeqndaem), youq dieg、gisuz、cienzngaenz daengj fuengmienh

daezhawj daihlig bangcoengh, bangfuz dangdieg fazcanj canjyez, coicaenh saujsu minzczu baenzfouq.

Ciuq cam rox, daengz dangqnaj, aen yangh neix gyoepsuenq dajndaem batgak 9 fanh lai moux、yi’gvei 2 fanh lai moux、faexsamoeq 3.2 fanh lai moux、suen gosangh 9200 moux、cazyouz 5172 moux、faexcuk 2902 moux. Baenz gveihmoz dwk fazcanj maenzmeiq 5000 moux、duhndaem 2000 moux、

duhdoemndaem 1000 moux, yiengz-ndaem 1500 duz、gaeqndaem 10000 duz. Dan duhndaem, dangqnaj couh ndaej sou lo, moux canj 400 gaen, ciuq moix gaen 4 maenz suenq, canjciz 160 fanh maenz. Guj bi “haj ndaem” nungzcanjbij cunghab canjciz 3000 fanh maenz doxhwnj. Bi ndaej reh 60 fanh gaen doxhwnj, gosangh nonsei cunghab canjciz 2500 fanh maenz.

(Vangz Bizvaz)